

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-04-03758/21
Sarajevo, Avgust 09.2021.godine

14 08 2021

15 04 25258-27-120

121

SKUPŠTINA KANTONA SARAJEVO
(Na pažnju predsjedavajućeg Elvedina Okerića)

PREDMET: *Odgovor na zastupničko pitanje postavljeno od strane zastupnice Jasmine Bišćević - Tokić, dostavlja se;*

VEZA: *Zastupničko pitanje broj: 01-04-25258-27/21 od 09.07.2021.godine*

Vašim aktom broj i datum veze, zaprimljen dana 19.07.2021.godine, dostavili ste na nadležno postupanje Kantonalnoj upravi za inspekcijske poslove Kantona Sarajevo zastupničko pitanje koje je postavila zastupnica Jasmina Bišćević - Tokić, na nastavku 38. Radne sjednice Skupštine Kantona Sarajevo, održanom dana 08.07.2021.godine, a koje glasi:

"Ministar zdravstva Kantona Sarajevo Haris Vranić je izjavio na prošloj sjednici Skupštine Kantona Sarajevo da sa Općom bolnicom ima potpisan ugovor o angažmanu o radu u Općoj bolnici jednom sedmično, kada prema vlastitoj izjavi operiše pacijente. Molim vas da mi se dostavi informacija o tome kakav ugovor ima potpisan ministar Vranić? Mislim prije svega da li se radi o ugovoru o radu, ugovoru o djelu, ugovoru o privremenim i povremenim poslovima, koliko iznos sredstava je do sada isplaćen na ime ugovora ministru Vranići iz Opće bolnice "Prim.dr. Abdulah Nakaš" i koliko je pacijenata operisao ministar Haris Vranić u Općoj bolnici od 05.01.2021. kada je postao ministar. Tražim da mi se odgovor dostavi u pisanoj formi."



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

U odnosu na navedeno zastupničko pitanje dajemo slijedeći

ODGOVOR

Inspektor rada Inspektorata rada, zaštite na radu i socijalne zaštite i zdravstveni inspektor Inspektorata sanitarne, zdravstvene i farmaceutske inspekcije i inspekcije za hranu Kantonalne uprave za inspeksijske poslove Kantona Sarajevo, svaki iz svoje nadležnosti, su dana 02.08.2021.godine izvršili usmjerene inspeksijske nadzore u JU Opća bolnica "Prim.dr Abdulah Nakaš", na okolnosti iz dostavljenog predmetnog zastupničkog pitanja.

Iz oblasti radnih odnosa je utvrđeno da je Haris Vranić temeljem Odluke JU Opća bolnica Abdulah Nakaš broj: 4975-325/21 od 29.06.2020. a po prethodno provedenom javnom oglasu primljen u radni odnos na neodređeno vrijeme. Ugovor o radu za izvršavanje poslova ljekara specijaliste vaskularne hirurgije je zaključen 01.08.2020.godine sa nepunim radnim vremenom od 35 sati sedmično, sa kojim datumom je izvršena i prijava osiguranja temeljem rada kod spomenutog poslodavca. Imenovan je kao radnik 30.12.2020.godine podnio poslodavcu molbu za neplaćeno odsustvo, obzirom da je imenovan za ministra zdravstva u Vladi Kantona Sarajevo. Poslodavac je shodno navedenom donio Rješenje broj: 159/21 od 05.01.2021.godine kojim se odobrava neplaćeno odsustvo imenovanom od 06.01.2021.godine do isteka mandata na funkciji ministra zdravstva Kantona Sarajevo. Uvidom u Pravilnik o izmjenama i dopunama Pravilnika o radu, unutrašnjoj organizaciji i sistematizaciji radnih mjesta JU Opća bolnica Abdulah Nakaš Sarajevo utvrđeno je da izmijenjeni član 154. stav 1. propisuje da se radniku izabranom, odnosno imenovanom na neku od javnih dužnosti u organima BiH, FBiH, organa kantona, grada i općine izabranom na profesionalnu funkciju u sindikatu, prava i obaveze iz radnog odnosa na njegov zahtjev miruju a najduže na period koliko traje obavljanje te funkcije, od dana izbora odnosno imenovanja.

JU Opća bolnica Abdulah Nakaš Sarajevo kao naručilac posla i Haris Vranić kao savjetnik na dan 07.01.2021.godine zaključili su **ugovor o savjetodavnim i drugim uslugama** koji članom 2. stav 2. definira da će savjetnik obavljati i specijalističke usluge u oblasti opće i vaskularne hirurgije. Član 3. spomenutog ugovora definira da će savjetnik usluge izvršavati bez naknade.

Na konkretno pitanje inspektora rada da li je i koliko Haris Vranić u periodu od poslije 05.01.2021.godine do trenutka inspeksijskog nadzora plaćen za svoj angažman, osoba prisutna nadzoru je izjavila da je angažman Harisa Vranića besplatan.

Postupajući kantonalni zdravstveni inspektor je kontrolisao upit iz predmetnog zastupničkog pitanja o broju pacijenata koje je operisao ministar Haris Vranić u Općoj bolnici od 05.01.2021. godine, kada je postao ministar, i u momentu nadzora uvidom u elektronske BIS (e mediT) evidencije Opće Bolnice utvrđeno je da je u periodu od 01.01.2021. godine do 01.08.2021. godine Prof.dr Haris Vranić uradio 1 (jedan) operativni zahvat. Nadalje, uvidom u osnovne pisane evidencije - protokol elektivnih operativnih zahvata utvrđeno je kako slijedi:



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)


Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

- dana 19.02.2021. godine, od 8 do 9 sati, pod rednim brojem protokola 301, evidentiran je pacijent K.I. U rubrici "ime i prezime operatera, pomoćni hirurzi, glavni i pomoćni anesteziolog i instrumentar" evidentiran je operater Prof.dr Haris Vranić. Operativni zahvat je izvršen u timskom radu sa još dva evidentirana ljekara, jednim anesteziologom i jednom instrumentarkom. Evidentirana dijagnoza i vrsta operativnog zahvata je iz oblasti vaskularne hirurgije.

Prilog zapisnika postupajućeg zdravstvenog inspektora čine isprintane elektronske evidencije iz naprijed navedenog perioda koje su ovjerene potpisom šefa hirurških disciplina i pečatom JU Opće bolnice "Prim.dr Abdulah Nakaš".

Obzirom da je utvrđeno da je imenovani u jednom slučaju u periodu od 06.01.2021.godine do trenutka inspekcijskog nadzora učestvovao pri operativnom zahvatu, postupajući inspektor rada će upravnom mjerom - upozorenjem skrenuti pažnju poslodavcu JU Opća bolnica Abdulah Nakaš u Sarajevu da nije u skladu sa članom 4. Zakona o radu ("Službene novine Federacije Bosne i Hercegovine", broj 26/16 i 59/18) i članom 3. Kolektivnog ugovora o pravima i obavezama poslodavaca i radnika u djelatnosti doktora medicine i stomatologije na teritoriju Kantona Sarajevo ("Službene novine Kantona Sarajevo", broj 52/19) angažiranje osoblja po bilo kakvom drugom ugovoru osim ugovora o radu.



DIREKTOR

Adis Mešić

Dostavlja se:

1. *Predsjedavajući Skupštine Kantona Sarajevo*
2. *Sekretar Skupštine Kantona Sarajevo*
3. *Sekretar Vlade Kantona Sarajevo*
4. *a/a*



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb